



P R O C E S V E R B A L

Nga mbledhja e rregullt e Kuvendit Komunal të Rahovecit, e mbajtur më **28.03.2024**, me fillim në orën **10:10** Mbledhjen e kryesoi Kryesuesi i Kuvendit, **z. Arbër Zenuni**. Në fillim kryesuesi konstatoi kuorumi për mbajtjen mbledhjes ekziston.

Kryesuesi: Përvendetje për të gjithë! I nderuar Kryetar i Komunës, **z. Smajl Latifi**, Nënkyetar **z. Fatmir Iska**, i nderuar anëtarë të Kuvendit Komunal, drejtorë të drejtore komunale, zyrtarë komunale, përsaqësues të KFOR-i medie, të ndëruar qytetarë të Komunës së Rahovecit. Për këtë mbledhje të tretë të vitit 2024, së bashku me kryetari kemi vendosur për këtë rend dite:

REND DITE

Njësia Nr./Br./No 01(Kuvendi i Komunës)
Nr./Br./No 212/24 Nr. i faq/Br.str./No.pg 64
Data/Datum/Date 29 / 04 / 2024

1. Shqyrtimi dhe miratimi i procesverbalit nga mbledhja e kaluar;
2. Pyetjet dhe përgjigjet në pyetjet e kuvendarëve;
3. Shqyrtimi dhe miratimi i propozim-vendimit për bartjen e mjeteve vetanake të pashpenzuara nga viti 2022 dhe 2023, në vitin 2024;
4. Shqyrtimi dhe miratimi i propozim-vendimit për ndarjen e P-02658-0 ZK-Rahovec dhe formimi i parcelës së re në emër të Komunës së Rahovecit;
5. Shqyrtimi dhe miratimi i propozim-vendimit për dhënien në shfrytëzim afatshkurtër nga 1-15 vjet për organizatat e shoqërisë civile, P-00301-3, zk -Bërnjak;
6. Shqyrtimi dhe miratimi i vendimit për formimin e komisionit për zbatimin dhe vlerësimin e ofertave të dhënies në shfrytëzim të pronës së paluajtshme të komunës, P-00301-3, zk -Bërnjak;
7. Shqyrtimi dhe miratimi i propozim-vendimit për subvencionimin e mbulimit të shpenzimeve të varrimit për vitin 2024;
8. Shqyrtimi i propozim-vendimit për caktimin e lokacionit për ndërtimin e stadiumit në Rahovec;
9. Shqyrtimin i Raportit të Komitetit të Auditimit të Brendshëm;
10. Shqyrtimi i informatës për menaxhimin e aseteve komunale;
11. Shqyrtimi i informatës mbi listën e pronave komunale dhe menaxhimi i tyre;
12. Shqyrtimi i informatës rreth Programit për Banim për vitin 2023.

Shëtësi: Shqyrtimi dhe miratimi i vendimit 01Nr.197/24 i datës 29.02.2024 për plotësimin e listës rezervë për emërtimin e rrugëve dhe shesheve në Komunën e Rahovecit.

Kryesuesi: Përvendetje për të gjithë! Ju lutem që të ngritemi në këmbë për të mbajtur një minutë heshtje në nderim të përkujtimit të të rënëve në masakrën e luftës 1999 në Krushë të Madhe, Brestoc, Fortesë, Celinë, Retijë, Opterushë, Pastasellë, Nagac, Hoqë e Vogël...

Të nderuar anëtarë të kuvendit, pas leximit të rendit të ditës e kemi edhe një rekomandim prej KPF-së. Kuvendari Defrim Kafexhiu ka propozuar që në pikën e dytë të rendit të ditës "Pyetjet dhe përgjigjet në pyetjet e kuvendarëve" të shtohet edhe fjala "diskutime". Po ashtu edhe kuvendarja Shqipe Kryeziu, propozoi që pika e dytë e rendit të ditës për nga renditja të renditet e fundit në rend dite. Kuvendari Burim Krasniqi ka kërkuar që si material shtesë për kuvend të jetë edhe arsyetimi i bartjes së mjeteve dhe projektet e propozuara. Të gjitha pikat në KPF janë votuar unanimisht për kuvend. Atëherë, para se të kalojmë në votim të rendit të ditës, kuvendari Defrim Kafexhiu nuk qenka present. Kuvendari ka kërkuar që pika e dytë e rendit të ditës të emërohet "pyetje, përgjigje dhe diskutime në pyetjet e kuvendarëve"

Ili Pallqa: Atëherë unë po e ripropozoj njejtë si Defrimi, që pika e dytë e rendit të ditës nga pyetje dhe përgjigje të bëhet me diskutim të hapur.

Shqipe Kryeziu: Faleminderit kryesues! Përshëndetje për të gjithë! Unë sikur në KPF e mbaj propozimin e njejtë, që pika e dytë të kalojë si pikë e fundit e rendit të ditës. Me arsyetimin që kemi shumë pika të rëndësishme, padyshim që edhe kjo është e rëndësishme. Ne realisht paguhemi dhe e kemi besimin e qytetarëve që duhet të qëndrojmë deri në fund të mbledhjes.

Burim Krasniqi: Faleminderit kryesues! Përshëndetje kryetar, ekzekutiv, kolegë asambleistë, media. Të njejtin shqetësim e kam shprehur edhe në KPF. E kuptoj që secili e ka të drejtën e propozimin, por te pjesa e diskutimeve të hapura apo pyetjeve që të jetë në fund, mendoj që është injorim i nivelit të pikes së diskutimit. E dyta, kryesues, praktikat e thonë që shpeshë na bie t'i ndërprejmë seancat për shkak të mungesës së kuorumi dhe absolutisht nuk qëndron ajo që asambleistët do të qëndrojnë deri te pika e fundit e rendit të ditës. Është një orientim që të shuhet mundësia e diskutimit. E falënderoj ekzekutivin sepse gjatë kohës së diskutimeve kemi ballafaqime, mospajtime që është proces normal, por të tentohet të bëhet si pikë e fundit, kjo pikë asnijëherë nuk do ta ketë seriozitetin që e ka. Nëse mendojmë që pikët e tjera që vinë si kërkesa të qytetarëve drejtuar asambleistëve, është qasje e gabuar. Praktikat në kuvend të Kosovës gjithashtu thonë që kjo është pjesë hyrëse në rend të ditës dhe në momentin që shkon në fund, serioziteti i saj është e barabartë me zero. Më mire ta hiqni krejt, se sa të jetë si pikë e fundit e rendit të ditës. Grupi i LDK-së nuk pajtohet që kjo pike të jetë e fundit dhe nëse ndodh një mbivotim atëherë do ta shqyrtojmë sjelljen tonë dhe prezencën në asamble komunale, është e papranueshme.

Hasan Përboqi: Përshëndetje kryesues, kryetar, nënkyetar, kolegë kuvendarë, drejtorë, media, qytetarë. Në emër të grupit të asambleistëve të Aleancës, më lejoni t'i paraqes dy qëndrimet tona në lidhje me këto propozime. Sa i përket propozimit në KPF nga asambleisti Defrim Kafexhiu, ne si grup e kemi paraqitur edhe më herët që kuvendarit duhet t'i lejohet edhe pjesa e diskutimeve, por çdo herë duhet iu përmbajtur rregullores së kuvendit sa i përket minutazhës. E përkrahim propozimin që asambleisti ta ketë hapësirën e vet për diskutime. Sa i përket propozimit të kuvendares Shqipe Kryeziu, po ashtu e përkrahim. Si grup i kemi disa arsy. E para dhe më e shëndosha është që para pyetjeve dhe përgjigjeve janë disa pika tjera vendimmarrëse që kanë një rëndësi më të madhe dhe ndikojnë direkt te qytetarët. Të tregohemi pak real, cila është më e rëndësishme: Pyetjet dhe përgjigje apo bartja e mjeteve, apo në të shtator, buxheti? Ne si asambleista të Aleancës kemi qëndruar çdo herë deri në momentin e mbylljes së seancës, ashtu do të vazhdojmë të qëndrojmë edhe kur të levizë kjo pikë. E fundit, kuvendi është arenë e përballjeve dhe e demokracisë ku secili fiton nëse i ka votat. Ne besojmë që kjo pikë duhet të kalojë si e fundit. Rëndësia nuk i ulet asnijëherë dhe nuk ka të bëjë me ndalesën e fjalës së lirë. Një asambleist nëse është i përkushtuar në besimin qytetar, atëherë ai duhet të qëndrojë deri në momentin e fundit të mbylljes së seancës. Kërkojmë gjithashtu që edhe ekzekutivi të qëndrojë deri në fund t'i dëgjojë pyetje dhe t'u përgjigjet atyre.

Sinan Kryeziu: Faleminderit kryesues! Përshëndetje për të gjithë të pranishmit në sallë. Vlerësoj dhe konsideroj që propozimi i Shqipes është i drejtë. Këtu jemi për të nxjerrë vendime. Konsideroj që te pika nr. 2, dikush në shtëpi e bën ndonjë koncept, e lexon këtu dhe ecin nga mbledhja. Besoj që pika që dalin prej KPF-së janë shumë të rëndësishme dhe në fund të seancës mund të parashtojmë pyetje dhe të komentojmë, si dhe të dalim me një konkluzion të caktuar.

Sejfullah Sejfullahu: Faleminderit kryesues! Përshëndetje kryetar, nënkyetar, drejtorë, kolegë. E kam një propozim ndryshtë: Pyetjet dhe përgjigjet të mbësin në pikën e dytë dhe t'ia shtojmë një fjalë "debat" në fund.

Ilir Pallqa: Nëse mbetet pyetje dhe përgjigje kështu siç është, a do të kemi të drejtë të bëjmë diskutime dhe propozime konkrete?

Rasim Fazliu: Faleminderit kryesues! Përshëndetje për juve, kryetari, nënkyetarin, anëtarët e kuvendit komunal, drejtorët, mediat, të pranishmit. Që të jemi të sinqertë, propozimi që të thuhet që pika e dytë të vihet më poshtë në fund, vetëveti po bëjmë dallime në pika. Mendoj që të gjitha pikat janë të rëndësishme dhe nuk është më pak e rëndësishme ajo pikë që është në fund dhe ajo që është në fillim. Sikur në Oda që ulen burrat, vetëm që duhet të dimë të flasim, sepse si të ulemi në ballë të oxhakut, si në fund është njësoj. Në qoftëse ne jemi konstruktivë si anëtarë të kuvendit bashkë me qeverinë komunale, nuk prish punë a është në vendin e dytë, apo në vendin e fundit. Por, vetëveti propozimi në fjalë më duket i papranueshëm dhe nuk është dashur të jetë si propozim, sepse përmes kësaj pike bëhen të gjitha adresimet e qytetarëve, gjithashtu merren përgjigjet nga ekzekutivi. Është mirë që mos të humbim kohë rrëth kësaj çështjeje, le të mbetet ashtu siç duhet, me kushtin që të jemi konstruktivë. Nëse lëviz, besoj që më shumë do të humbni pikë, sepse më mirë është të mbetet kështu siç është. Ky është mendimi im.

Nënkyetari: Faleminderit! Inderuar kryetar, kryesues, drejtorë, kuvendarë, media. Dua të kyçem në këtë pikë të diskutimit. Kushtimisht pikat janë të parat, të dytata, të tretat, kështu thoshte edhe akademik Esat Stavileci sa kam qenë unë student i tij. Ajo që është më e rëndësishme, ju siguroj që ekzekutivi do të jetë prezent prej fillimit deri në fund, siç ka qenë i pranishëm deri në këtë ditë, 28 mars 2024. Besoj që asnjëherë nuk kanë munguar përgjigjet prej secilit drejtor, prej kryetarit dhe prej meje. Pajtohem që formulimi i pikës të jetë: "Pjetje, përgjigje dhe diskutime", mirëpo, gjithashu kërkojmë prej kryesuesit që ta zbatojë irregulloren (minutazhën) për secilin anëtar të kuvendit. Diskutim të ngjashëm me asambleistin Rasim Fazliu e kam pasur në vitin 2014, nëse nuk gaboj. Në atë kohë, si Aleancë kemi qenë në opozitë. Si pikë e rendit të ditës, kjo pikë ka qenë e dyta, e kemi bartë të fundit dhe më pas e kemi lëvizë. Në këto institucione jam shumë gjatë dhe e di që kjo pikë e rendit të ditës ka lëvizuar herë e dyta, herë e fundit. Në fund, kuvendarët vendosin përmes votës. Mirë se erdhe Defrim, ne e përkrahim propozimin tênd, mirëpo, renditja vendoset me votë.

Defrim Kafexhiu: Përshëndetje për të gjithë! Inderuar kryesues i kuvendit, kryetar i komunës, nënkyetar, kolegë anëtarë të kuvendit, drejtorë, media. Në dy mbledhjet e KPF-së të kaluara, kam propozuar që pika e dytë e rendit të ditës të riemërohet në një formë tjetër, ku nuk do të mbetet në hapësirën e kryesuesit cenimi i fjalës së antarëve të kuvendit, apo ndryshimi i formës së diskutimit brenda kuvendit. Kërkesa ime në KPF-në e muajit shkurt ka qenë që kjo pikë e rendit të ditës të ndryshohet duke u shtuar edhe një fjalë, por e kam lënë në vullnet të kryesuesit të kuvendit në konsultim me kryetarin e komunës. Përgjatë një muaji nuk ka pasur ndryshim dhe në seancën e kaluar ka ardhur si pikë e njejtë e rendit të ditës. Në KPF-në e muajit mars, kam propozuar përsëri dhe kësaj radhe kam kërkuar që të vendoset në votim. Përbrenda kuvendit po e shoh një inat, që pas propozimit tim për riemërim të pikës, pason një propozim i Shqipe Kryeziut, e cila propozoi që pika e njejtë të jetë si pikë e fundit e rendit të ditës. Besoj që ky propozim është i ulët. Të jetë propozim prej opozitës është më i arsyeshëm, por të jetë propozim i një anëtarë të kuvendit prej pozitës, nuk është i sinqertë dhe është i gabueshëm. Sa më kujtohet mua, përderisa unë kam qenë kryesues, Shqipja është anëtarja e kuvendit që pothuaje asnjëherë nuk ka qëndruar deri në fund të seancave. Kjo është ikje prej përgjegjësisë dhe prej përfaqësimi që na kanë dhënë qytetarët. Vota e determinon këtë punë. Unë ju ftoj që ta mbështetni propozimin tim për riemërtimin e kësaj pike të rendit të ditës dhe propozimin e pasinqertë të Shqipe Kryeziut mos ta votoni, si dhe debatet përbrenda kuvendit të vazhdojnë ashtu siç kanë qenë deri tanë.

Shqipe Kryeziu: Faleminderit kryesues! Defrim, ti pyetjen ia bën ekzekutivit dhe ballafaqohesh me ta, jo me asamblenë. A qëndroj deri në fund të seancës, apo jo, është çështje e imja.

Sejfullah Sejfullahu: Mendoj që edhe kryetari e dha një propozim të mirë dhe të rehatshëm, ta riemërtojmë ashtu dhe ta bëjmë si në irregullore 3 minuta. Mos na futni në debate me diskutime, sepse këtu nuk jemi duke vendosur për ngrohjen globale.

Kryesuesi: Faleminderit Sejfullah! Të nnderuar anëtarë, kuvendari Defrim Kafexhiu ka kërkuar që te pika e dytë: "Pjetje dhe përgjigjet në pyetjet e kuvendarëve" të shtohet edhe pjesa e diskutimit sipas irregullores, shefat e grupeve 6 minuta, asambleistët deri në 3 minuta dhe nënkuptohet që mund të ketë edhe tolerime. E kalojmë në votim! Kush është "për"?... Kundër?... Abstenim?... Me 21 vota "për", 4 kundër dhe 1 abstenim, kalon propozimi i kuvendarit Defrim Kafexhiu. Vazhdojmë me propozimin e kuvendares Shqipe Kryeziut që e njëjta pikë të zhvendoset si pikë e fundit në rend dite. Kush është "për"?... Kundër?... Abstenim?... Me 12 vota "për", 11 kundër dhe 1 abstenim, kalon propozimi i Shqipe Kryeziut.

Burim Krasniqi: Kryesues, e kam thënë edhe në KPF, më vjen keq që duhet ta bëj një sjellje të tillë, por është e papranueshme tendencia që përmes shumicës së votave të ngulfatet diskutimi në asamble komunale. I qëndroj mbrapa qëndrimit tim dhe grupi i asambleistëve të LDK-së nuk vazhdon me seancë, deri sa nuk trajtohet kjo çështje. Faleminderit shumë dhe punë të mbarë.

Defrim Kafexhiu: Faleminderit edhe një herë! E thash më herët që ky propozim është shumë i ulët që kjo pikë kaloi si pikë e fundit e rendit të ditës dhe nëse ju dëshironi ta vazhdoni politikën në këtë formë që ta cungoni fjalën e anëtarëve të kuvendit, duke e ditur të gjithë punën e anëtarëve të kuvendit që vullneti në fund të seancave gjithmonë ka qenë i vogël për t'i vazhduar diskutimet. Diskutimet më produktive janë bërë në fillim të seancës. Në fund të fundit, këtë pikë mund ta largoni krejt sepse nuk na duhet hiç. Nuk është e hijshme dhe etike prej anës së juaj që si Aleancë, ekzekutiv dhe as prej teje si kryesues.

Kryesues: Defrim Kafexhiu, unë jam kryesues i kuvendit dhe çdo propozim të juajt unë e kaloj në votim. Vota është ajo që përcakton.

Nënkrtyetari: Faleminderit kryesues! Vendi për plotësim të dëshirave është diku tjetër dhe jo salla e kuvendit komunal. Shumica vendosë. Vota është legjitime e cila i shtyen proceset, vendimet, irregullore etj... Ti kur je bë kryesues i kuvendit, je bë me votë dhe jo dëshirë. A të pëlqen kjo dhe nëse është pikë e fundit a do të jetë konstruktive, ajo varet nga ju.

Defrim Kafexhiu: Nënkrtyetar, nëse flasim për legjitimitet, nuk e di a keni si ekzekutiv legjitimitet, e leje më si grup i Aleancës në asamble komunale. Nuk jeni legjitim përderisa nuk i keni të gjithë anëtarët në kuvend të zgjedhur prej votës së qytetarëve, i keni vetëm 12 dhe zyrtarisht jeni 15. Nuk mund të llogaritet legjitime. Tjetra, nuk është vend i qejfit kuvendi komunal, por, për juve po, sepse propozimin e anëtares së kuvendit e keni miratuar për arsy që e keni shumicën e votave. Nuk ka këtu qejfe, thjesht e kërkojmë hapësirën për diskutim, e cila po na mohohet. Ju mund ta largoni krejt pikën, na vazhdojmë e bëjmë politikën në një formë tjetër dhe ju në këtë kohë sa ju ka mbetë, vazhdoni si të doni.

Nënkrtyetari: Sa i përket legjitimitetit, nuk i mbaj në mend data sakt, por kështu qysh do të vazhdojë, në veçanti ju edhe për një kohë të gjatë nuk do të jeni në këtë pjesë. Sa i përket asamblesitëve, vota i përcakton. Më pas, sa jeni të fortë që t'i mbani votat aty, ajo është çështje e juaja. Kur një njëri nuk gjen komoditet diku, normal që ndryshon. Njeriu që evulon, ndoshta e ka mirë. Në nivel lokal, mos të flasim për legjitimitet.

Merisa Sharku: Përshëndetje për të gjithë! Deri tani e kemi parë që të gjithë e dinë që komuna punon dhe vepron sipas qejfeve të tyre. Sot u vërtetua kjo, gjithashtu u vërtetua që keni frikë të ballafaqoheni me punën e juaj, përderisa nuk e lejoni diskutimin në kuvend.

Shqipe Kryeziu: Faleminderit kryesues! Të dashur kolegë/e asambleista! Si pozita, si opozita duhet t'ia parashtrojmë ekzekutivit pyetjet dhe të diskutojmë me ekzekutivin, jo në mes vete.

Ilir Pallqa: Faleminderit kryesus! Kjo është çështje e kuvendit, jo e ekzekutivit, sepse ne po vendosim. Ish kryeusesi foli për legjitimitetin e kuvendit. Sinani e din më mirë që legjitimiteti vjen prej poshtë-lart. Legaliteti vjen prej lart-poshtë. Ju jeni legalë, por jo legjitim.

Nënkrtyetari: Sa i përket ballafaqimeve, në veçanti të kryetarit të komunës, ju e dini sa ka ai “frikë” të ballafaqohet me juve. Për secilën çështje për diskutim, ne jemi të hapur. Ish kryesuesi e përmendi legjitimitetin e ekzekutivit, jo të kuvendit. Si obligim e pata t'i përgjigjem.

Sinan Kryeziu: Faleminderit për mundësinë e fjalës! Nëse ka mundësi për vëmendje, sepse kur flas unë kam qejf për vëmendje. Unë e vlerësoj veten, nuk e mbivlerësoj. Po vjen keq që po e them, jo të gjithë, por shumicën këtu i konsideroj si “dele”. Duhet ta kemi pak një kod të etikës, ta dëgjojmë dikë kur flet dhe ta respektojmë, pavarësisht që nuk pajtohem me mendimin e x personit. Kur jemi te çështja e bartjes së pikës në fund dhe riformulimin e saj, konsideroj se çdo pikë këtu propozohet ligjërisht nga ekzekutivi (drejtoria e linjës). Ne këtu ballafaqohemi, ata propozojnë dhe më pas vendoset në votim. Asgjë nuk ka të keqe, përkundrazi, propozimin e Defrimit e mbështeta. Kërkoi që të jemi pak më konstruktivë.

Drilon Mustafa: Përshëndetje për të gjithë ju që jeni të pranishëm! E kam një pyetje edhe në emër të kolegëve që shkuan, ne që nuk jemi prezent sot, a na del rruga, apo jo?

Kryesuesi: Faleminderit! Përderisa nuk kemi kuorum, seanca nuk mund të vazhdojë... Kthehem pas një pauze 20 minutëshe...

1. Shqyrtimi dhe miratimi i procesverbalit nga mbledhja e kaluar;

Kryesuesi: A kemi diskutim për procesverbalin e mbledhjes së kaluar?... Nëse jo, atëherë po e vendosim në votim! Kush është “për”?... Kundër?... Abstenim?... Me shumicë votash, miratohet procesverbalı.

3. Shqyrtimi dhe miratimi i propozim-vendimit për bartjen e mjeteve vetanake të paspenzuara nga viti 2022 dhe 2023, në vitin 2024;

Afrim Limani: I nderuar kryesues, nënkrtyetar, të nderuar asambleistë. Në mbështetje të ligjit të buxhetit të vitit 2024, përkatësish neni 9, pika 7, e kemi përgatitur një dokument për bartjen e mjeteve nga viti 2022, 2023 në vitin 2024. Shuma e përgjithshme për bartje në total është prej 654.100€. Të gjitha këto mjete janë si rezultat i tejkalimit të të hyrave, me përjashtim të shumës prej 29.346€ që janë mjete të cilat kanë mbetur në kuadër të projekteve dhe të cilat sipas ligjit barten në vitin 2024. Pas një analize të mirë që e kemi bërë, jemi orientuar në tri bartje. E para, i kemi mbuluar disa projekte kapitale të cilat nuk kanë qenë të buxhetuara për vitin 2024 dhe kemi dhënë propozim që këto kontrata të mbyllem me shumën e bartjes së mjeteve, në shumë prej 73.681€. E dyta, jemi orientuar në projekte të reja në shumën 145.000€ dhe pjesa e tretë është në bartjen e mjeteve në kode ekzistuese, në shumën prej

435.418€. Mjetet të cilat barten në kuadër të atyre projekteve që tentojmë t'i mbyllim, janë këto: Ndërtimi i infrastrukturës për aktivitete kulturore në Dejnë – 5509€, instalimi i jashtëm i ujit, rrymës dhe kanalizimit në qerdhen Krushë e Madhe – 34.894€, blerja e teknologjisë informative – 9700€ dhe ndërtimi i kioskut në shumën prej 23.578€. Si projekte të reja që na lejon ligji, i kemi propozuar këto projekte: Ndërtimi i urave në terrene fushore, ndërtimi i tezgave për mbajten e panaireve – 5000€, rrëthimi i oborreve të shkollave – 45.000€, riparimi në 9 shkolla fillore dhe të mesme – 50.000€. Ndërsa, bartja e mjeteve në kuadër të projekteve ekzistuese janë këto: Kemi paraparë ritjen e kategorisë së mallrave dhe shërbimeve në kuadër të Drejtorisë së Urbanizmit, sepse kemi kontrata të cilat paguhen nga kjo kategori – 50.000€, mallra dhe shërbime në administratë – 30.000€, subvencione në shërbime të varrimit – 99.600€. E mira e kësaj pune është që ka ardhur plani kontabël i ri dhe shërbimet e varrimit deri më tanë i kemi paguar nga kategoria mallra dhe shërbime, tanë sipas planit kontabël të ri, këto duhet të paguhen nga pjesa e subvencionisë dhe e kemi shfrytëzuar rastin që me bartje të mjeteve t'i buxhetojmë këto shërbime. Më pastaj: Subvencione në shëndetësi – 400€, ndërtimi i depos në Bërnjak – 80.000€, ndërtimi i muzeut në Krushë të Madhe – 20.000€ dhe ndërtimi i rrugëve në hapësira për biznese dhe turizëm - 150.000€.

Hir Pallqa: Faleminderit kryesues! Nuk lejohet që bartja e mjeteve të ndahet në subvencione.

Bejtullah Deliu: Faleminderit i nderuar kryesues! Të nderuar drejtorë, kolegë, media, të pranishëm. Te bartja e mjeteve a do të ishte e mundur që të orientohet edhe rruga Hamoc – Celinë, e cila është diskutuar disa herë këtu? Unë personalisht kam pasur disa kërkesa të qytetarëve të Celinës se kjo rrugë nuk është e kalueshme. Nëse ekziston mundësia që këto mjete të barten edhe për këtë rrugë, do të ishte shumë jetike. Nëse edhe këtu nuk keni mundësi, atëherë na tregoni për sa kohë mund të rregullohet. Zgjidhje do të ketë, veçse duhet një vullnet i mirë nga ekzekutivi.

Afrim Limani: Ilir, në këtë rast bën dhe besoj që do të bëhet, do ta shohim. E di që ty të kujtohet një diskutim që e kam thënë në vitin e kaluar, qëndroj pas asaj deklarate. Tani rasti është specifik, sepse ne e kemi pranuar planin kontabël. Bejtë, faleminderit për pyetjen. Ndoshta këtë përgjigje më mirë ta jep Përparimi. Kjo rrugë është shqetësim edhe për ne, por në aspektin e buxhetit kjo rrugë ka kosto. Me mundësi në projektim të buxhetit për vitit 2025 mund ta fusim. Sa e di unë është në kuadër të projektit, vetëm jemi duke pritur për lidhje të kontratës.

Hir Pallqa: Drejtor, kur kemi thënë që vitin e kaluar lejohet, iu kemi referuar ligjit. Unë jam pak i ri, "planin kontabël" nuk po e kuptoj, nëse mund ta shoh si material. Vitin e kaluar gjithashtu është lejuar që bartja e mjeteve bëhet në investime kapitale, mallra dhe shërbime dhe subvencione, e keni kundërshtuar sepse nuk i keni pasur numrat, tani i keni.

Afrim Limani: Ilir, ligji e lejon vetëm në kategorinë paga dhe mëditje nuk kemi të drejtë. Ministria e Financave – Departamenti i Buxhetit nuk e pranon që të ndajmë para në subvencione, sepse në përqindje zvogëlohet kategoria e investimeve kapitale. Qëllimi çdo herë është forcimi i kategorisë së investimeve kapitale. Në këtë rast, ne detyrimisht duhet ta mbulojmë këtë kategori të shërbimit.

Përparim Krasniqi: Falëminderit kryesues! Përshëndetje për të gjithë anëtarët e kuvendit. Sa i përket pyetje së Bejtullahut për rrugën në Hamoc, po është kategori e rrugës fushore (trajtim me zhavorr) dhe është në plan të prokurimit nga Dreitoria e Bujqësisë. Në muajin prill fillojnë procedurat.

Kryesuesi: Faleminderit drejtor! Nëse nuk kemi pyetje tjera, këtë pikë e kalojmë në votim. Kush është “për”?... Kundër? Abstenim? Konstatoi që unanimisht votohet kjo pikë e rendit të ditës.

4. Shqyrtimi dhe miratimi i propozim-vendimit për ndarjen e P-02658-0 ZK-Rahovec dhe formimi i parcelës së re në emër të Komunës së Rahovecit;

Afrim Oruqi: Faleminderit kryesues! Inderuar nënkryetar, kolegë, anëtarë të kuvendit. Në bazë të ligjeve në fuqi, para jush keni propozimin e kryetarit të komunës për një parcelë komunale që gjendet saktësisht te rruga tranzite, zona në Rahovec. Qëllimi i këtij propozimi është se përrreth kësaj parcele ka prona private që nuk kanë dalje në tranzit. Ne dëshirojmë ta ndajmë këtë parcelë, ta krijojmë edhe një parcelë tjeter me numër dhe sipërfaqe të re, me pranar të njejtë. Në të ardhmen pronarët e atyre parcelave private ta shfrytëzojnë si të drejt kalimi për të dalur në rrugën tranzite. Pra, parcela me nr. 2658-0 në sipërfaqe prej 2 ha 97 ari e $2m^2$ dhe të formohet një parcelë e re prej 7ari e $75m^2$.

Kryesuesi: Faleminderit drejtor! A kemi ndonjë diskutim në lidhje me pikën që e prezantoi drejtori?... Nëse jo, atëherë po e vendosim në votim. Kush është “për”?... Kundër?... Abstenim?... Konstatoj që unanimisht votohet edhe kjo pikë e rendit të ditës.

5. Shqyrtimi dhe miratimi i propozim-vendimit për dhënien në shfrytëzim afatshkurtër nga 1-15 vjet për organizatat e shoqërisë civile, P-00301-3 ZK-Bërnjak;

Erhan Morina: Faleminderit kryesues! Inderuar nënkyetar, kolegë, anëtarë të kuvendit, media, të pranishëm. Para jush keni propozim vendimin për dhënien në shfrytëzim për një periudhë afatshkurtër prej 5 vite të shtëpisë së verës në Bërnjak. Nga sipërfaqja e përgjithshme prej 1500m^2 , në shfrytëzim jepen vetëm 486m^2 , duke përfshirë objektin dhe hapësirën e jashtme përballë objektit. Pagesa e qerasë mujore do të jetë 350€ dhe qëllimi i dhënies në shfrytëzim është që ta aktivizojmë këtë objekt, duke e mbushur me aktivitete që promovojnë turizmin në Komunën e Rahovecit.

Defrim Kafexhiu: Faleminderit kryesues! Nuk e di a e përmendi drejtori, por bëhet fjalë për shtëpinë e verës. Në KPF e kam dhënë një mendim timin dhe po vazhdoj t'i qëndroj pas. Unë jam kundër që ky objekt të jepet në shfrytëzim në këtë formë. Besoj që më mirë është të qëndrojë si pronë e Drejtorisë së Ekonomisë. Nëse nuk ka, është mirë të bëhet një rregulllore për shtëpinë e verës dhe kur organizatat kanë nevojë për shfrytëzimin e hapësirave që ofron ky objekt, në formën se si e sheh të arsyeshme në interes të komunës, drejtoria mund t'a jep në shfrytëzim. Jo të jepet në shfrytëzim për 15 vite dhe jo të shfrytëzohet në mënyrën që ata dëshirojnë ta shfrytëzojnë. Një pyetje tjetër, a ka pasë kërkesë deri më tanë? Apo është iniciativë e drejtorisë për dhënien në shfrytëzim të kësaj prone?

Erhan Morina: Faleminderit kryesues! Realisht, nuk ka pasur ndonjë kërkesë për marrje në shfrytëzim të shtëpisë së verës. Për mirëmbajtjen higjenike të shtëpisë së verës, për vitin 2023 janë shpenzuar rreth 3800. Për meremetimin e saj në disa pozicione, Komuna e Rahovecit për vitin 2023 ka shpenzuar 18.597€ si investim. Ndërsa, për vitin 2022-2023 përveç festës së vjeljes së rrushit (3 ditë të shtatorit), nuk është mbajtur asnjë aktivitet tjetër që potencialisht do ta promovonte turizmin në Komunën e Rahovecit. Më e keqja është që ky objekt ka qëndruar i mbyllur dhe propozimi ynë është i qartë, të jepet në shfrytëzim.

Defrim Kafexhiu: Më herët nuk e ceka, ju e përmendët që Komuna e Rahovecit në vitin 2023 ka shpenzuar 21.000 për rregullimin dhe mirëmbajtjen e atij objekti. Këtë mandat, prej që je Drejtor i Drejtorisë së Ekonomisë, a keni marrë ndonjë vendim që do ta ndërronte formën e shfrytëzimit të atij objekti? Kjo çështje e dhënies në shfrytëzim që komuna ka investuar qindra – mijëra € është e gabueshme dhe njëkohësisht paaftësi e Drejtorisë së Ekonomisë. Nuk ka shumë vjet që është ndërtuar ky objekt dhe është dashur që përsëri në vitin 2023 të investohen edhe 18 mijë euro të tjera për meremetimin e tij. Është dashur të jetë një rregulllore që të paktën edhe komuna investimin që e bën, t'i rikthehet. Nuk është etike që ajo hapësirë të rrin e mbyllur dhe duke mos e shfrytëzuar asnjë mundësi tjetër të jepet në shfrytëzim për 15 vjet.

Erhan Morina: Inderuar z. Defrim Kafexhiu, kërkesa është që ta japim për 5 vite dhe jo për 15. Ky objekt është ndërtuar në vitin 2012 (para 12 viteve). Drejtoria për Ekonomim, Zhvillim dhe Turizëm, aktualisht numëron rreth 5 zyrtarë dhe secili veç e veç e ka elaboratin e vet të punës. Për turizëm është vetëm një zyrtare që edhe po të donim ne, nuk kemi potential t'i menagjojmë të gjitha objektet që i kemi. Përveç këtij objekti, ne po mundohemi që edhe objektet tjera t'i japim në shfrytëzim si: Maja e Shkodranit, Kompleksi i Dradishit, ndoshta edhe kullën Toni e Mici.

Kryetari: Faleminderit! Kërkoj falje, ishim në një përvjetor për Enver Durakun dhe Shefki Thaqin në kodrën e Dobërdelanit, bashkë me Sefën dhe të tjerët. Sa i përket kësaj pike, në thelb ideja është që sektori publik nuk ka kapacitete për mirëmbajtje, psh: Varrezat e dëshmorëve, martirëve, objektet e trashëgimisë kulturore – historike etj, nuk ka mundësi ndrysht përveç dhënies në shfrytëzim. Në rastin konkret, kërkesa për t'u dhënë në shfrytëzim përmes ankandit “Shtëpia Ndërkombëtare e Verérave” është qëllimi që mos ta lëmë këtë objekt pa e ushtruar funksionin e vetë. Dedikimi i këtij objekti është të ketë aktivitete të gjalla çdo ditë dhe jo 3 ditë në vit. Jemi kujdesur që mos t'ja japim bizneseve, por vetëm shoqërisë civile, sepse ekziston mundësia që bizneset të punojnë me logjikën e biznesit.

Objektin e kemi rinovuar vitin e kaluar dhe të kemi aktivitete dinamike në të tilla objekte siç është Shtëpia Ndërkombëtare e Verérave, nuk ka as kryeqyteti Prishtina. Shtëpia duhet të shndërrohet në një shtëpi të verérave që punon në mënyrë dinamike, që pret e përcjellë vizitorë nga brenda dhe jashtë shtetit. Komisioni në kritere do ta përcaktojë përgjegjësinë dhe dedikimin që ka komuna sa herë që ka nevojë për aktivitete. Fatkeqësisht, ju e dini që

ajo shtëpi gjallërohet vetëm kur ka aktivitete të vjeljes së rrushit. Ideja është e shëndoshë që t'i japim mundësi Rahovecit të promovohet më mirë, përmes një objekti që nuk e ka asnjë komunë e Republikës së Kosovës. Në komision le të jetë krejt opozita, ekzekutivi e ka përfaqësuesin e vetë dhe le t'i përcaktojnë qartë kritetret. Shoqëria civile nuk ka përfitime dhe nuk guxojmë t'iu japim biznevese, sepse menjëherë do ta kërkonin Budrumi i Vjetër, Eko-vera apo Stone Castle, që është shumë legjitime. Mendoj që komuna nuk ka telashe për shfrytëzimin e atij objekti dhe ajo mund të precizohet në një nga nenet dhe kriteret që bëhet nga vet komisioni. Ju ftoj ta votoni dhe t'i japim drejtim këtij objekti jashtëzakonisht të rëndësishëm për komunën tonë.

Rasim Fazliu: Faleminderit kryesues! Mendoj ashtu siç tha kryetari, që duhet të kujdesemi dhe ta japim në shfryzëzim. Konkretisht po flas për vendim dhe propozoj që këtij vendimi t'i shtohet një pikë e veçantë ku thuhet që kushdo prej OJQ-ve që e merrë, të precizohet që mos të kenë të drejtë të zhvillojnë biznes aty. Kam qejf që edhe ky propozim të bashkëngjitet, nesër mund të mos jemi këtu as unë, as kryetari. Me këtë vendim të ndalohet që përfituesit mos të kenë të drejtë të zhvillojnë veprimitari biznesore.

Kryetari: Po, unë jam dakord për atë që e paraqiti Rasim Fazliu. Realisht kjo është gastronomi, por OJQ-ja që e merrë nuk ka të drejtë që aty të ketë përfitime. OJQ-ja do të kujdeset që t'i mbledh produktet tona dhe t'i promovoje para vizitorëve. Asnjëherë nuk përashtohet mundësia që të kemi gabime, por jam dakord që veprimitari biznesore dhe profitabile nuk është dashur të ketë.

Rasim Fazliu: Kryetar, unë jam për atë që në vendim të ceket që kushdo që e merrë prej OJQ-ve mos ta ketë të drejtë e shitblerjes, por vetëm të ekspozimit të produkteve. Të precizohet këtu në një pikë të veçantë.

Bejtullah Deliu: Faleminderit kryesues! Sipas elaborimit të kryetarit dhe prezantimit të drejtorit, por edhe teksti që e kemi këtu është i paqartë, apo nuk është i studiuar mirë nga drejtoria përkatëse. Nëse e japim këtë hapësirë dhe themi që është jofitimprurëse, nuk ka komercializëm dhe njëkohësisht këtu e keni cekur 350€ starti. Nëse OJQ-të marrin staf, atëherë do të ketë shpenzime. Cili është vullneti i OJQ-së nëse nuk ka përfitime aty? Ndoshta po degradohet më shumë se sa që është tani aty? Mendoj që në bashkëpunim me DKRS-në dhe Drejtorinë e Bujqësisë, mund të bëhet një plan shumë më i mirë dhe të funksionalizohet shumë më mirë sesa në këtë formë që ju po mendoni. Pra, nëse ju paraprakisht i vendosini kriteret financiare dhe në pjesën e dytë thuani që nuk do të jetë fitimprurëse, atëherë, shpenzimet mujore mendoj që janë së paku 1000€. Ku është qëllimi i OJQ-së? Dyshoj që dikush do të shpreh interesim të krijojë shpenzime sa për reklama.

Kryetari: Ne kemi OJQ në Kosovë dhe në Komunën e Rahovecit që aplikojnë në thirrje publike dhe natyrisht ne do t'i subvencionojmë, siç e bëjmë me KF Rahovecin, KH Rahovecin etj... Komisioni ka për detyrë t'i bëjë kriteret. Komisioni është i kuvendit. Kërkoi ndihmën edhe të Mirsadit, sepse është një paqartësi aty. Po, psh: Nëse vjen një turist i huaj dhe aty ka verëra të ndryshme, nuk mund t'ja japim të gjitha "gratis", pra aty mund të caktohet një tarifë dhe të gjitha këto do të janë pjesë e kontratës. Përfitimi material drejt OJQ-së është i kufizuar me ligj dhe krejt çka mund të bëjë një OJQ ështët të realizojë programe të caktuara me ndihmën e komunës dhe donatorëve.

Bejtullah Deliu: Kryetar, e thash në fillim, nuk është bërë një elaborim i mirëfillt dhe për këtë arsyе jemi të paqartë. Drejtori tha që është investuar mbi 18.000€ në vitin 2023, tash po del që komuna do t'i subvencionojë OJQ-të. Ku është tani dallimi? Për çdo muaj t'i paguash minimum 350€, plus mirëmbajtja. Së paku të na sqarohet se çka po votojmë? Nuk e përmenda rastësisht Drejtorinë e Kulturës, që prej saj marrin shumë OJQ subvencione me nga 500-1000€ për aktivitete kulturore dhe gjatë vitit asnjë aktivitet nuk bëhet, shumë pak ose formalisht. Prandaj, kjo shtëpi mund të shfrytëzohet dhe të bëhet funksionale në bashkëpunim me Drejtorinë e Bujqësisë, me verëtarë, me gastronomë etj... Është kontradiktë të thuhet që komuna ka investuar në mirëmbajtje dhe gjithashtu themi që do t'i subvencionojmë.

Kryetari: Nuk besoj që është kontradiktë, sepse është komponenta "shoqëri civile" është e përcaktuar. Unë thash që subvencione për shoqëri civile ka gjithkah dhe gjithashtu mund ta shfrytëzojnë të drejtën për aplikim për subvencion për zhvillimin e programit të tyre. Mos ta harrojmë faktin që kur të vendoset për kritere nga komisioni, gjithashtu

vendoset se çfarë plani vjetor të punës duhet ta ketë një OJQ kur të konkurron. Për moment në atë shtëpi e kemi vetëm një aktivitet, festivalin e vjeljes së rrushit. Duhet të specifikohet se çfarë roli dhe funksioni ka shfrytëzuesi i objektit. 350€ që është aty edhe unë e kam të paqartë, zyra ligjore na shpjegon më vonë. Do të jetë vend i përshtatshëm për shumë takime dhe për shumë aktivitete zyrtare, kulturore – artistike, turistike, panaire etj... Prandaj, është mirë që shoqëria civile ta bartë këtë funksion, sepse komuna nuk ka kapacitete kadrovike. E ftoj Mirsadin të na ndihmojë në këtë pikë për këto 350€.

Rasim Fazliu: I qartësuam gjërat mjaf. Mendoj që vendimi duhet të jetë i qartë, të plotësohet edhe me propozimin që e dhash unë dhe pastaj komisoni nuk mund të del jashtë vendimit.

Mirsad Shala: Faleminderit kryesues! Të nderuar anëtarë të kuvendit. Të gjitha propozimet që vinë në vendim mund të plotësohen. Duhet të theksojmë që OJQ-të nuk janë profitabile, janë persona juridikë. Mund të bëjmë ndryshime edhe te qëllimi, vetëm te çmimi duhet të dakordohemi. Propozimi i ekzekutivit ka qenë 350€, nëse keni propozime të tjera, atëherë mund të diskutohet. Te qëllimi mund të shtohet ajo që tha baca Rasim.

Kryesuesi: Faleminderit Mirsad Shala! Atëherë, të nderuar kuvendarë, në pikën që po diskutohet kuvendari Rasim Fazliu ka kërkuar që vendimit t'i shtohet edhe një nen, që OJQ-ja mos të jetë profitable dhe mos të lejohen që të zhvillohen veprimtari biznesore. E kalojmë në votim, kush është “për”... Kundër?... Abstenim?... Me shumicë votash aprovohet propozimi i kuvendarit Rasim Fazliu.

Rromir Zhuniqi: Faleminderit kryesues! Përderisa ne po kërkojmë që OJQ-ja që pretendohet që e merr të na promovojë komunën në aspektin turistik dhe ne i vendosim qera 350€. Kërkoj që mos të jetë qëllimi i qerasë, por i projektit më të mirë me të cilin komuna mund të promovohet më shumë. Propozoj që të hiqet krejt, ose të jetë një qera minimale.

Kryetar: Jam dakord me Rromirin! Unë propozoj qera 1, 2 apo 3€.

Kryesuesi: Tani e kalojmë në votim propozimin e Rromirit, që propozoi të hiqet qeraja dhe të plotësohet në bazë të rregullores. Kush është “për”... Kundër?... Abstenim?... Kalon propozimi. E kalojmë vendimin në votim me propozimin e Rasimit dhe të Rromirit. Kush është “për”... Kundër?... Abstenim?... Konstatoj që unanimisht votohet edhe pika e pestë e rendit të ditës. Kthehem i në sallë pas pauzës 1 orë...

6. Shqyrtimi dhe miratimi i vendimit për formimin e komisionit për zbatimin dhe vlerësimin e ofertave të dhënies në shfrytëzim të pronës së paluajtshme të komunës, P-00301-3, zk -Bërnjak;

Erhan Morina: Faleminderit kryesues! Të nderuar anëtarë të kuvendit, para jush keni vendimin për formimin e komisionit për zbatimin dhe vlerësimin e ofertave të dhënies në shfrytëzim të pronës së paluajtshme të komunës, P-00301-3 – shtëpisë së verës. Komisioni përbëhet prej 5 anëtarëve, dy prej tyre nga ekzekutivi, dy nga kuvendi dhe një nga shoqëria civile.

Kryesuesi: Faleminderit drejtor! Vazhdojmë me propozimet për komisione!

Hasan Përboqi: AAK – nuk kemi propozim!

Ilir Pallqa: LVV – ne propozojmë Defrim Kafexhiu!

Sejfullah Sejfullahu: PDK – nuk kemi propozim!

Kryesuesi: LDK-ja nuk është fare në sallë dhe na duhet edhe një propozim.

Bejtullah Deliu: Pasiqë është krijuar kjo situatë, ne propozojmë Sejfullah Sejfullahun.

Kryesuesi: Faleminderit! Atëherë komisioni nga kuvendit është Defrim Kafexhiu dhe Sejfullah Sejfullahu, 2 anëtarë do të jenë nga ekzekutivi dhe 1 nga sektori joqeveritar. E kalojmë në votim, kush është “për”... Kundër?... Konstatoj që unanimisht votohet edhe kjo pike e rendit të ditës.

7. Shqyrtimi dhe miratimi i propozim-vendimit për subvencionimin e mbulimit të shpenzimeve të varrimit për vitin 2024;

Nënkyetari: Faleminderit kryesues! Para vetes e keni vendimin, ne e kemi pasur edhe më herët këtë vendim dhe ju kemi njoftuar që kodi është ndërruar, tani nuk e kemi prej mallrave dhe shërbimeve, por prej subvencioneve. Në hyrje e keni të paraparë për kushtet, specifikimet, kriteret dhe procedurat të ndarjes së subvencioneve. Jemi të vetëdijshëm që kryetari i komunës ka të drejtë që deri në 1000€ t'i ndajë për raste të ndryshme, më shumë se 1000€ kërkohet vendim nga kuvendi komunal. Kërkojmë votën tuaj që ta autorizojmë kryetarin e komunës që bashkëpunimi me bashkësinë islame të vazhdojë, apo nëse janë të interesuara edhe bashkësitetë tjera fetare. Shuma për secilin rast përsëri do të jetë 220€.

Kryesuesi: Faleminderit nënkyetar Iska. Nëse nuk keni ndonjë gjë tjetër, e vendosim në votim! Kush është “për”... Kundër?... Abstenim?... Me shumicë votash aprovohet edhe pika e shtatë.

8. Shqyrtimi i propozim-vendimit për caktimin e lokacionit për ndërtimin e stadiumit në Rahovec;

Afrim Oruqi: Faleminderit kryesues! Inderuar kryetar, nënkyetar, kolegë, anëtarë të kuvendit. Jemi obliguar që t'ju sjellim materialin fizikisht për caktimin e lokacionit sot para seancës, sepse është një afat atje në moment kur parcelat ndahen, për publikim është afati 5 ditë. Pastaj është deklarata e faljes, 5 ditësh tjetër për nxjerjen e certifikatës. Ju falënderoj edhe sot edhe për raste të tjera kur nuk kemi arritur t'ju sjellim materialin me kohë. Jam shumë i nderuar, që pas një pune të jashtëzakonshme të kryetarit të komunës, bashkë me drejtorët e drejtorive, posaçërisht të kulturës, urbanizmit, të asambleistëve, të pronarit që ka pasur një vullnet të mirë, sot jemi para një vendimi për caktimin e lokacionit për ndërtimin e stadiumit të futbollit në Rahovec. Bëhet fjalë për zonë kadastrale në Bërnjak, prona është në emër të kompanisë “Stone Castle” me pronar Rrustem Gecaj, i cili me vullnet të plotë dhe të lirë, prej pjesës së parcelës me nr. 231-6 që është më shumë se 3.5 ha dhe parcella pas zbatimit të deklaratës përfalje do t'i kalojë komunës dhe do ta merr nr. 231-8 me sipërfaqe 3.5 ha.

Ilir Pallqa: Drejtor, te rruga kryesore, a keni arritur ndonjë mirëkuptim? Stadiumi i bie të ndërtohet në anën e djathtë!

Afrim Oruqi: Kjo parcelë me sipërfaqe të theksuar me ngjyrë të gjelbërt, sipas PZhK-së është e destinuar për zonë për stadium. Sipas këtij planifikimi edhe vetë pronari ka paraparë rrugë (qasje) në drejtim të këtyre parcelave. Kjo parcelë do të kufizohet edhe me dy rrugë të tjera. Do të realizohet qasja më e mirë e mundshme për stadium dhe për elementet tjera që kanë të bëjnë me këtë planifikim.

Defrim Kafexhiu: Faleminderit kryesues! Në bazë të këtij vendimi bëhet falja e pronës, apo falja është bërë? Sa do të zgjas kjo procedure? Për çështje të rrugës, a përfshihet në vendimin përfalje? Apo vetëm pronari me vullnet të mire do ta lë përfshirë?

Afrim Oruqi: Procedura e faljes ka filluar, jemi në proces. Procedura i kap tre sektorë: ndarja, falja dhe zotimi i kuvendit të komunës për caktim të lokacionit. Pastaj bashkë me pronarin, i cili ka shpreh dëshirë t'ia falë komunës këto 3.5 ha nuk besoj që do të kemi telashe përfshirë.

Kryesuesi: Faleminderit drejtor! Atëherë, e kalojmë në votim këtë pikë! Kush është “për”... Kundër?... Abstenim?... Unanimisht votohet edhe kjo pikë e rendit të ditës. Vazhdojmë me pikë shtesë.

9. Shqyrtimi dhe miratimi i vendimit 01Nr.197/24 i datës 29.02.2024 për plotësimin e listës rezervë për emërtimin e rrugëve dhe shesheve në Komunën e Rahovecit;

Albnor Mullabazi: Faleminderit kryesues! Inderuar kryetar, nënkyetar, kolegë, asambleistë. Para jush keni vendimin përfshirë shfuqizimin e vendimit 01Nr.197/24 i datës 29.02.2024 për plotësimin e listës rezervë për emërtimin e rrugëve dhe shesheve në Komunën e Rahovecit. Arsyja pse ka ardhur ky shfuqizim është sepse vendimi ka shkuar në Ministri të Mjedisit dhe Planifikimit Hapësinor. Ne kemi qenë në koordinim të plotë me agjencionin. Pas kësaj, agjencionin ka filluar me matjet në terren. 50% e asaj që iu kemi dërguar është larguar, me arsy që në atë 100m që duhet të emërohen rrugët nuk ka pasur dendësi të shtëpive. Në këtë seancë kërkoj shfuqizimin e këtij vendimi. Ndërsa,

në seancën e prillit lista do të jetë e përmirësuar, me të njëjtën listë të emrave të pranuar prej Agjencionit të Sistemit të Adresave.

Kryesuesi: Faleminderit drejtor! Nëse nuk kemi diskutime, e kalojmë në votim. Kush është “për”... Kundër?... Me shumicë votash votohet edhe kjo pikë e rendit të ditës.

10. Shqyrtimin i Raportit të Komitetit të Auditimit të Brendshëm;

Mirsad Shala: Faleminderit kryesues! I nderuar kryetar, nënkyetar, drejtorë, asambleistë. Para jush e keni reportin vjetor të punës të Komitetit të Auditimit për vitin 2023. Janë mbajtur gjithsej 4 seanca, aq sa janë të përcaktuara sipas udhëzimit administrativ. Janë shqyrtuar 6 raporte të njësisë së auditimit të brendshëm për drejtori përkatëse dhe në sektorë të tjera në kuadër të zyrës së kryetarit. Vlen të theksohet se prej të gjitha raporteve janë dhënë rekomandimet e nevojshme për kryetarin e komunës dhe për drejtoritë. Komiteti i Auditimit e ka miratuar edhe planin strategik të njësisë së auditimit të brendshëm për 2024-2026.

Kryesuesi: Faleminderit Mirsad Shala! Në qoftëse nuk kemi diskutime, atëherë, kalojmë në pikën tjetër.

11. Shqyrtimi i informatës për menaxhimin e Aseteve Komunale;

Erhan Morina: Faleminderit kryesues! Si çdo vit tjetër, Drejtoria për Ekonomi Zhvillim dhe Turizëm edhe kësaj radhe ka përgatitur një informatë për menaxhimin e asateve komunale për vitin 2023. Gjatë vitit 2023 janë formuar 4 komisione: Komisioni për regjistrimin e pasurive jofinanciare, komisioni për inventarizim të pasurive jofinanciare, komisioni për tjetërsim të pasurive jofinanciare dhe komisioni për asgjësimin e pasurive jofinanciare. Të gjitha këto komisione të formuara, i kanë përfunduar punën me kohë duke filluar nga procesi i regjistrimit të aseteve, inventarizimi, si dhe gjatë vitit 2023 nuk ka pasur tjetërsim dhe asgjësim të aseteve komunale. 709 asete janë jashtë përdorimit, të cilat planifikojmë që gjatë vitit 2024 t'i shesim përmes ankandit publik. Gjatë vitit 2023 përmes ankandit publik janë shitur asete të papërdorura të komunës, duke përfshirë stufa të dëmtuara të shkollave, kalldaja, dritare të dëmtuara, karrika të dëmtuara dhe banka shkollore (të gjitha në vlerë 800€). Po ashtu, janë shitur edhe 4 vutura të cilat kanë qenë jashtë përdorimit në vlerë 4100€, si dhe një kamion me rimorkio në vlerë prej 8050€. Totali i të gjitha aseteve të shitura gjatë vitit 2023 ka qenë 12.950€.

Kryesuesi: Faleminderit drejtor! Në qoftëse nuk kemi diskutime, kalojmë në pikën tjetër.

12. Shqyrtimi i informatës mbi listën e pronave komunale dhe menaxhimi i tyre;

Afrim Oruqi: Faleminderit kryesues! Të nderuar kuvendarë, para jush, sipas planit të kuvendit e keni informatën për menaxhimin të pronave komunale ndër vite. Pronat komunale janë rritur, kjo falë vendimit të Kryeministrit Haradinaj. Në atë kohë ai ka marrë vendim që t'i kthehen komunës 34 ha që kanë qenë në menaxhim të Agjencionit Pyjor. 7 ha në zonë kadastrale në Rahovec, si dhe vendimet tjera që vijnë prej gjyqësorit. Shumë shpejt do të kalojë edhe prona ku aktualisht është prona e benzinës. Sipas zonave, janë 34 zona dhe fatmirësish në çdo zonë të komunës së Rahovecit ka pronë komunale. Mendimi juridik është që prona komunale edhe nëse ka padi, nuk tjetësohet, nuk bartet dhe nuk prej mandatit të parë kemi asnjë lëndë të fituar nga ata që e kanë paditur komunën.

Defrim Kafexhiu: E kam vetëm një pyetje apo kërkesë nga drejtori. Nëse ka mundësi që këtë listë të na përcjellësh me email zyrtar. T'i mësojmë sakt lokacionet dhe objektet e komunës.

Kryesuesi: Faleminderit Defrim Kafexhiu! Në qoftëse nuk kemi diskutime, kalojmë në pikën tjetër.

13. Shqyrtimi i informatës rrith Programit për Banim për vitin 2023;

Saranda Sallteku: Faleminderit kryesues! Përvendetje për të gjithë! Kjo informatë rrjedhë nga programi komunal 3 vjeçar për banim 2022-2025. Ky plan është aprovuar nga kuvendi i komunës së Rahovecit 28.10.2022. Periudha raportuese për këtë informatë nga Drejtoria e Shëndetësisë dhe Përkundesjes Sociale është janar – dhjetor 2023. Kërkesa për banim social drejtuar drejtorisë sonë kanë qenë gjithsej 13. Pas verifikimit nga zyrtarët përgjegjës janë përzgjedhur 4 familje për t'i mbështetur me strehim të përkohshëm. Pakoja financiare e këtyre 4 familjeve është 600€ në muaj.

Kryesuesi: Faleminderit! A kemi ndonjë diskutim?... Nëse jo, atëherë, të nderuar anëtarë kemi arritur në pikën e fundit që ka të bëjë me pyetjet dhe përgjigjet në pyetjet e kuvendarëve.

14. Pyetjet dhe përgjigjet në pyetjet e kuvendarëve – diskutimet e tyre;

Defrim Kafexhiu: Përshëndetje edhe njëherë për të gjithë! Me votë të kuvendit kjo pikë kaloi si e fundit në rend dite. Unë përsëri kërkoj prej grupit të aleancës dhe ekzekutivit, që edhe nëse nuk ka nevojë të vendoset në votim, prej seancën tjetër me mirëkuptim kjo pikë të rikthehet si pikë e dytë e rendit të ditës. Kryetari thotë që ne po tregohemi pak xhentëlmen, këtu mund të tregoheni xhentëlmen duke e vendosur përsëri si të dytën me radhë. Në fund të seancave gjithmonë niveli i diskutimit është i ulët dhe vullneti gjithashtu. Deri në fund të seancave, dyshoj që as drejtoret nuk do të qëndrojnë në sallë. Mendimi im është ky, nëse dëshirojmë të vazhdojmë me politikë, atëherë këtë pikë mund ta hiqni krejt, kemi forma të tjera të komunikimit me qytetarë. Tregohuni pak më xhentëlmen, si pikë e dytë ka qenë më mirë, si dhe arsyeha për ta vendosur si të fundit në rend dite është absolutisht e paqëndrueshme.

Kryetari: Do të bisedoj me zë më të ulët, sepse sot jam munduar të jem më i kufizuar për shkak të përvjetorëve që i kemi. Për mua fare nuk është me rëndësi a bisedohet në fund apo në fillim, kuvendi është arenë e diskutimeve. Kuvendi i komunës sot ka vendosur ndryshe dhe ju siguroj që jam gati unë dhe ekipi im për çdo seancë. Zakonisht, asnjë vendim nuk duhet të miratohet pa u diskutuar, por, vendimmarja është përtëj pikës së diskutimeve dhe pyetjeve. Qytetarët e komunës, presin vendime nga kuvendi i komunës. Nuk do të doja t'i jap rëndësi më shumë pikës së diskutimeve, sesa vendimit për lokacionin e stadiumit, apo edhe të bartjes së mjeteve. Unë nuk e kam marrur këtë vendim, kuvendi e ka bërë me votë. Sa për mua, nëse dëshironi mbajmë edhe seanca të veçanta me vetëm një pikë të rendit të ditës. Mos harroni, debatit nuk i shmangna asnjëherë. Në pikën e diskutimeve ju siguroj që edhe unë edhe ekzekutivi me atë që dimë, do t'ju përgjigjemi gjithmonë sakt, korrekt dhe pa vonesa në përgjigje, sepse ka kryetar komuna që nuk përgjigjet hiq, as me pjesëmarrje në kuvend. Unë nuk i takoj asaj bote dhe atij koncepti. Mbledhja është një herë në muaj dhe nuk kemi punë më të rëndësishme sot se sa puna e kuvendit. Përndryshe, jam i hapur për kritika, por jo për gjuhë fyeze, sepse ka plot argumente dhe fakte që mund ta bëjmë një arenë të debateve konstruktive. Xhentëmen duhet me qenë, për mua vendoseni përsëri në votim, le të rrin e dyta apo e treta, por keni vendosur ju dhe ju siguroj që unë nuk kam vendosur.

Rasim Fazliu: Faleminderit kryesues! E kam një kërkesë të qytetarëve të fshatit Celinë dhe të kryesisë së fshatit. Më kanë autorizuar t’ju pyes se kur do të bëhet vendosja e fotografive në varrezat e dëshmorëve në Celinë? Varrezat paraprake që kanë qenë i kanë pasur fotografitë dhe është mirë të realizohet kjo dëshire dhe kërkesë e tyre. Unë nuk jam i njoftuar me procedurat që kanë qënë më herët, por po e bëj si pyetje! Pyetja e dytë: Kryetar i nderuar, rruga Fortesë - Celinë është shumë e frekuentuar, sepse është rrugë e shkurtër dhe shumëkush ia mbanë “trup”. Ka 2 apo 3 vite që po e diskutojmë këtu dhe po më vie keq që përsëri po e ngris të njëjtën çështje. Është mirë të merrni hapa konkret, sepse shumë gjatë shkoi kjo punë. Me këtë gjendje po bëhet dëmtimi i makinave dhe gjithashtu puna mund të vie edhe te aksidentet. Nuk po flas politikisht, por kjo është nevojë imediate që duhet të rregullohet brenda 3-4 dite.

Kryetari: Rasim, në kontratën e vjetër të ndërtimi të varrezave në Celinë nuk ka qenë i paraparë ndërrimi i fotografive sepse ka qenë pak problem në atë kohë. Në kontratën e re përsëri nuk janë të paraparë për shkak të ndjeshmërisë, por ne do t'i vendosim. E kemi lidhur kontratën e re dhe do t'i vendosim fotografitë. Rruga Fortesë – Celinë është rrugë e dëmtuar dhe po dëmtohet vazhdimesht. Sidoqoftë për ato grapa për të cilat po flet, e që po rriten përditë, ne kemi kontratë për riparime dhe me përmirësimin e kohës do t'i jap prioritet së paku rregullimit të atyre gropave.

Vlora Vuçitërna: Përshëndetje! Inderuar kryetar, nënkryetar, kolegë, drejtorë, media. Sot dua ta ngris një shqetësim të të gjithë banorëve që marrin shërbime në QKMF në Rahovec. Besoj që e dini për çka është fjala, sepse kam reaguar edhe në rrjetet sociale si shteqësim. Drejtoria e Shëndetësisë para dy muajve ka marrë vendim që pediatria pas orës 14:00 të mos punojë. Këta pacienta ta “programjnë” sëmundjen e tyre që para orës 14:00, ose përndryshe, detyrohen që shërbimet t’i marrin në njësinë e mjekësisë familjare në Rahovec. E para, kërkojmë llogari pse ka ardhur deri te ky vendim, duke e ditur që ka pasur pediatër në pediatri, zakonisht 2 pediatër para dite, pasdite asnjë. Kjo gjë përsëri

ka qenë e mirë sepse fëmijët i kanë marrë shërbimet ndaras nga të rriturit. E dyta, këta fëmijë që po detyrohet t'i matrin shërbimet pas orës dy në njësinë e mjekësisë familjare. Kryetar, a e dini se fëmijët shërbimet i marrin në të njëjtën dhomë me pacienta tjerë, përkundër që ju e keni veçuar një dhomë, mirëpo ajo nuk funksionon! Kryetar, a e dini se fëmija shkon aty që të shërohet nga një virus, e del duke i marrë 100 viruse të tjera. A jeni në dijeni që i njëjti fëmijë po inhalohet me të njëjtin aparat të inhalimit me të rriturin. A jeni në dijeni që fëmija kur të shkon aty, e sheh një të rritur duke e pastruar një plagë, gjë që ndikon në psiqikën e tij. A e dini që josecili ka mundësi që fëmijën ta dërgojë në privat dhe detyrohet që shërbimet t'i merr në njësin e mjekësisë familjare. A e dini se shumica e stafit të mjekëve kanë qenë kundër këtij vendimi, sepse po krijohet tollovi e madhe. Përkundër kësaj, ju keni dalur përsëri me një vendim, i cili rrrezikon shëndetin dhe nuk e shëron. Kërkoi përgjigje nga drejtoresha, si dhe në emër të pacientëve të Komunës së Rahovecit kërkoi që pediatria të kthehet ashtu siç ka qenë më herët, me dy orare.

Saranda Salltekua: Faleminderit Vlorë për pyetjen. Në QKMF asnjëherë nuk ka pasur pediatër në ndërrimin e dytë, prej ores 14:00 deri në 21:00, por punon mjeku i përgjithshëm familjar. Vendimet nuk i marrim ne. Është këshilli drejtues dhe drejtori i QKMF-së ai që i merr vendimet dhe i bën oraret. Sa i përket inhalimit, është dhomë e veçantë për fëmijë.

Vlora Vuçitërna: E ceka që paradigmët kanë qenë dy pediatër, pasdite asnjë dhe nuk e di pse nuk ka pasur. Do të ishte mirë të ndahan, një paradigmë, një pasdite. Mirëpo, përsëri kjo e ka pasur një të mirë sepse fëmijët shërbimet i kanë marrur të ndarë nga të rriturit. Tani, është shumë e vërtetë që shërbimet i marrin në të njëjtën dhomë me të rriturit dhe inhalohen bashkë me të rritur, kam fakte.

Saranda Salltekua: Vlora, në kujdesin primar shëndetësor pediatri nuk punon pas orës 14:00, është e rregulluar me ligj dhe nuk mund ta detyrojmë të punon. Aty është mjeku familjar i cili punon për të gjithë pacientët. E veçantë është dhoma për fëmijët, inhalimin gjithashtu e kanë të veçantë.

Vlora Vuçitërna: Se di a jam e qartë, apo jo? Nuk po kërkoi që pediatri të punojë pasdite, por, kërkoi që shërbimet t'i marrim përsëri në pediatri.

Kryetari: Faleminderit kryesues! Vlora i paraqiti disa shqetësimë interesante dhe më bëri nder, sepse unë di shumë gjëra, por jo të gjitha. Të falënderoj për këto shqetësimë! Unë e di që ne bëjmë vetëm politika shëndetësore në nivel lokal, me kapacitetet që i ka drejtoria dhe komuna. Ju e dini që e keni miratuar një statut këtu, ti gjithashtu e ke ngritë dorën për miratimin e statutit të QKMF-së. Megjithatë, shërbimet në rrjetin e QMF-ve dhe AMF-ve dita e ditës po përmirësohen dhe janë më cilësore, duke u rritur kënaqshmëria e pacientëve. A ka defekte organizative? Gjithësesi po! Të premtoj që në takimin e radhës, pyetjet e tua do t'ju bëj atyre dhe e shikoj nëse përgjitet e Sarandës a ishin të sakta, si dhe shqetësimet e tua a ishin reale?

Merisa Sharku: Përshëndetje për të gjithë. Dua të flas për një problem që ka ndodhur në sheshin qëndror. Ka ndodhur rrëshqitja e pusës, pastaj ka rrjedhur uji dhe ka bërë dëme në hidroizolimin e vendosur prej kompanisë që i kryen punimet aty. Këtë shqetësim e kam ngritur menjëherë në rrjetet sociale. Cila do të jetë zgjidhja e këtij problemi nga komuna dhe kompania? Duke e ditur rëndësinë e hidroizolimit dhe mos të vinë problemet tutje në parkingun e sheshit qëndror.

Albnor Mullabazi: Faleminderit kryesues! Po, është e vertetë që gjatë punimeve kemi pasur një rrëshqitje të pusës dhe vendi i punës në parking është mbushur me ujë. Betoni i varfër që ka qenë aty është dëmtuar. Sa i përket izolimit, për shkak të sigurisë nuk kemi mundur të qëndrojmë me atë izolim. Izolimi që është bërë, përkundër që nuk është i paraparë në kontratë, kompania e ka marrë përsipër duke përdorur aditiv në beton. Sa i përket pusës, gypi i kolektorit që është i qytetit kalon nëpër stadium dhe pa u zhvendosur stadiumi, nuk mund të ndërhyjmë në atë pjesë. Për moment jemi duke e mirëmbajtur dhe në moment që e bëjmë zhvendosjen e stadiumit, aty do të bëhet gypi i ri i kolektorit.

Merisa Sharku: Së pari, e kam të qartë që vendosja e asaj pusete ka qenë zgjidhje e përkohëshme. Por, zgjidhja e përkohëshme është dashur të jetë pak më e mirë, ashtu siç është tani. Kam qenë në vend të ngjarjes dhe e ka parë që është bërë një përforsim i mirë i gypit. Herën e parë nuk është paraparë që do të ketë presion të ujit dhe ajo pusëtë do

të bie. E dyta, nuk është aq e thjesht puna e hidroizolimit, këto gjëra duhet të parashihen tani dhe jo t'i lëmë që në të ardhmen aty të shfaqen probleme të ndryshme. Përderisa e keni vendosur tani aditivin, pse atëherë më herët kompania ka bërë shpenzime duke e vendosur hidroizolimin, përderisa nuk ka pasur nevojë.

Albnor Mullabazi: Nuk e thash që ka pasur nevojë, apo jo! Izolimi është bë. Është vendosur betoni i varfër, izolimi dhe përsori betoni i varfër. Gjatë përbmbysjes me ujë, ngritje të betonit të varfër kemi pasur vetëm në një vend. Izolimi në atë pjesë nuk është dëmtuar, por për ta rritur sigurinë e kemi përdorur edhe aditivin. Sa i përket pusetës, pusetë ka qenë ekzistuese, por për shkak të gërmimit që ka ndodhur në atë anë, në anën tjetër gypi nuk e ka përballuar.

Kryesuesi: Faleminderit drejtor! Atëherë, nëse nuk kemi pyetje dhe diskutime të tjera, e quaj të myllur mbledhje. Duke iu falënderuar për vëmendje, shihemi në mbledhjet e radhës.

Procesmbajtësi:

Albion Krasniqi

